



სსიპ საჯარო რეესტრის ეროვნული სააგენტო

სატენდერო დოკუმენტაცია

სასერვერო აპარატურის (უწყვეტი კვების სისტემის) მოდერნიზაცია

(CPV-48820000) შესყიდვა
ელექტრონული ტენდერის საშუალებით

2014 წელი
ქ. თბილისი

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1 - რეკვიზიტები.
5. დანართი №2 - ფასების ცხრილი.
6. დანართი №3 - აფიდავიტის საილუსტრაციო ფორმა.
7. დანართი №4 - საბანკო გარანტიის ფორმა

1. ინსტრუქცია ტენდერში მონაწილეობისათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. სატენდერო წინადადების წარდგენისთვის უნდა იყოს დარეგისტრირებული სისტემაში მიმწოდებლის სტატუსით, შემდეგ ვალდებული ხარო გაეცნოს აფიდავას და დაეთანხმოს მას (გაცნობას და თაბხმობას ადასტურებო სისტემის მეშვეობით).

1.4. ამის შემდეგ მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.5. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.6. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.7. მას შემდეგ რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.8. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.9. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით,

1.10. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახდის გათვალისწინებით.

1.11. სატენდერო წინადადების ფასის მითითებისთანვე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.12. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.13. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.14. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი, დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.15. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით. კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დაფიქსირა, ხოლო ყოველ მომდევნო რაუნდში – კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების

დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.16. მას შემდეგ რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით, ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.17. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.18. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისთვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას სატენდერო წინადადების ფასზე.

1.19. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.20. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული) შემსყიდველი დებს მასთან სახელმწიფო შესყიდვების შესახებ ხელშეკრულებას.

1.21. ყველაზე დაბალის ფასის მქონე პრეტენდენტის დისკვალიფიკაციის შემთხვევაში შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.22. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შდეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/ და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევაში ხელშკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე.

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობათან დაკავშირებული ხარჯები.

1.23. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.24. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.25. სახელმწიფო შესყიდვების ერთიან ელექტრონულ სისტემაში (შემდგომში - სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადამული უნდა იყოს უფლებამოსილი პირის მიერ.

1.26. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.27. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.28. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - “კითხვა/პასუხი” მეშვეობით, საკონტაქტო პირი თენგიზ ჯუღელი **ტელ: 2910517 შიდა – 7058.**

2. ტექნიკური დოკუმენტაცია

2.1. საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1. იურიდიული პირებისა და ინდივიდუალური მეწარმეთათვის:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- ბ) ცნობა/ინფორმაცია უფლებამოსილი ორგანოდან, რომლითაც დასტურდება რომ პრეტენდენტი იურიდიული პირის მიმართ არ მიმდინარეობს რეორგანიზაცია/ლიკვიდაცია/გადახდისუუნარობის პროცესი (**შენიშვნა: თუ ამ პუნქტით (2.1.1 „ბ“) გათვალისწინებული ფაქტების დამადასტურებელ ინფორმაციას შეიცავს ამონაწერი მეწარმეთა და არასამეწარმეო რეესტრიდან, პრეტენდენტს არ მოეთხოვება, დამატებით, რაიმე ცნობის წარმოდგენა**);
- გ) ცნობა შესაბამისი საგადასახდო ორგანოდან ბიუჯეტის წინაშე დავალიანების არ არსებობის შესახებ.

2.1.2. ფიზიკური პირებისათვის:

- ა) პირადობის მოწმობის ქსეროასლს;
- ბ) ცნობა შესაბამისი საგადასახდო ორგანოდან ბიუჯეტის წინაშე დავალიანების არ არსებობის შესახებ.
- გ) ცნობა უფლებამოსილი ორგანოდან, რომ მის მიმართ არ მიმდინარეობს გადახდისუუნარობის საქმის წარმოება.

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები (გარდა პირადობის მოწმობის ქსეროასლისა) გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3. ტექნიკური დოკუმენტაციის 2.1 პუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. შემსყიდველის მიერ შესაძლოა მოთხოვნილ იქნეს ამ ტექნიკური დოკუმენტაციის 2.1 პუნქტით განსაზღვრული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენა ხელშეკრულების ხელმოწერის მომენტისთვის.

2.5. თეთრ სიაში რეგისტრირებული მიმწოდებლები თავისუფლდებიან ამ ტექნიკური დოკუმენტაციის 2.1 პუნქტით განსაზღვრული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების შემსყიდველისთვის წარდგენისგან.

2.2. ანგარიშსწორების პირობები:

2.2.1. სატენდერო წინადადების საერთო ფასი გამოსახული უნდა იყოს საქართველოს კანონმდებლობით გათვალისწინებული საქონლის მოწოდებასთან დაკავშირებული ყველა გადასახადის

გათვალისწინებით, მათ შორის დღე-ს ჩათვლით (კანონმდებლობით გათვალისწინებულ შემთხვევაში), ნებისმიერი ხარჯი, რომელიც გათვალისწინებული არ იქნება მიმწოდებლის მიერ არ ანაზღაურდება შემსყიდველი ორგანიზაციის მიერ.

2.2.2. ანგარიშსწორება მოხდება უნაღდო ანგარიშსწორებით ლარში.

2.2.3. ანგარიშსწორება იწარმოებს წინასწარი გადახდის მექანიზმის გამოყენებით, მთლიანი სახელშეკრულებო ღირებულების 80%-ის ოდენობით. მიმწოდებელი ვალდებულია წარმოუდგინოს შემსყიდველ ორგანიზაციას წინასწარ გადასახდელი თანხის იდენტური ოდენობის საბანკო გარანტია ხელშეკრულების გაფორმებიდან 3 სამუშაო დღის ვადაში. საბანკო გარანტიის მოქმედების ვადა 30 დღით უნდა აღემატებოდეს შესყიდვის ობიექტის მიწოდების ვადას. თეთრ სიაში რეგისტრირებული მიმწოდებლის შემთხვევაში, მიმწოდებლის მიერ წარსადგენი საავანსო საბანკო გარანტიის ოდენობა უნდა შეადგენდეს წინასწარ გადასახდელი თანხის ნახევარს.

2.2.4. მიმწოდებელთან წინასწარი ანგარიშსწორება იწარმოებს წინასწარ გადასახდელი თანხის იდენტური ოდენობის საბანკო გარანტიის წარმოდგენიდან 3 სამუშაო დღის ვადაში.

2.2.5. ხელშეკრულების ღირებულების დარჩენილი 20%-ის ანგარიშსწორება იწარმოებს შესყიდვის ობიექტის სრულად მიწოდების შემდეგ, მიმწოდებლის მიერ შესაბამისი საგადასახადო ანგარიშ-ფაქტურის (კანონმდებლობით გათვალისწინებულ შემთხვევაში) გამოწერისა და შესაბამისი მიღება-ჩაბარების აქტის გაფორმების შემდეგ 15 სამუშაო დღის განმავლობაში.

2.3. ხელშეკრულების უზრუნველყოფის საბანკო გარანტია:

2.3.1. ტენდერში გამოყენებულ იქნება ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების 3%-ის ოდენობით, ხოლო თეთრ სიაში რეგისტრირებული მიმწოდებლის შემთხვევაში ხელშეკრულების ღირებულების 1,5% -ის ოდენობით, დანართი №4-ის მიხედვით.

2.3.2. იმ შემთხვევაში, თუ გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, მაშინ გამარჯვებულმა პრეტენდენტმა უნდა წარუდგინოს შემსყიდველს ხელშეკრულების შესრულების საბანკო გარანტია ხელშეკრულების ღირებულების 5%-ის ოდენობით, ხოლო თეთრ სიაში რეგისტრირებული მიმწოდებლის შემთხვევაში აღნიშნული ოდენობის ნახევრის ოდენობით.

2.3.3. ხელშეკრულების შესრულების უზრუნველყოფის საბანკო გარანტიის მოქმედების ვადა არანაკლებ 30 დღით უნდა აღემატებოდეს შესყიდვის ობიექტის მიწოდების ვადას.

2.3.4. საბანკო გარანტია წარმოდგენილ უნდა იქნეს ხელშეკრულების გაფორმებამდე.

2.4. შესყიდვის ობიექტის ტექნიკური დავალება:

შესყიდვის ობიექტს წარმოადგენს უწყვეტი კვების სისტემის მოდერნიზაცია, რომელიც უნდა მოიცავდეს:

1. არსებული უწყვეტი კვების სისტემაში ძალოვანი მოდულების დამატებას;
2. არსებული უწყვეტი კვების სისტემის აკუმლატორული ბატარეების დამატებას;
3. ჯამური სიმძლავრის გაზრდის მიზნით უწყვეტი კვების და აკუმლატორული ბატარეის დამატებით ერთ ცალ კარადას;

არსებული უწყვეტი კვების სისტემა

არსებული უწყვეტი კვების სისტემა წარმოადგენს მოდულურ დეცენტრალიზებულ უწყვეტ კვების სისტემას, რომლის ძირითადი პარამეტრები მოცემულია ცხრილში:

არსებული უწყვეტი ელექტრო კვების სისტემა		
	მწარმოებელი	APC
	მოდელი	Symmetra PX80
	დაინსტალირებული ძალოვანი მოდულების რაოდენობა	3
	ძალოვანი მოდულების ტიპი	SYPM10K16H
	მოდულების მაქსიმალური რაოდენობა	9
	დაინსტალირებული აკუმლატორული ბატარეების მოდულების რაოდენობა	4
	აკუმლატორული ბატარეების მოდულების ტიპი	SYBT4
	მოდულების მაქსიმალური რაოდენობა	8

1. არსებულ უწყვეტ კვების სისტემაში უნდა განხორციელდეს ძალოვანი მოდულების დამატება, რომლებიც აბსოლუტურად თავსებადი იქნება არსებულ უწყვეტ კვების სისტემასთან და ნებადართული იყოს უწყვეტი კვების სისტემის მწარმოებლის მიერ. ცხრილში მოცემულია ძალოვანი მოდულის ტექნიკური პარამეტრები, რომელთაც უნდა აკმაყოფილებდეს მოწოდებული პროდუქტი:

ძალოვანი მოდული - 6 ერთეული	
სიმძლავრე	10/16კვტ
ნომინალური გამომავალი ძაბვა	230V, 400V 3PH
შემაჯალი ძაბვის დიაპაზონი	მინიმუმ 340 – 477 ვოლტი
ეფექტურობის მაჩვენებელი (მაქსიმალურ დატვირთვაზე)	მინიმუმ 95%
გამომავალი ძაბვის არასტაბილურობა	მაქსიმუმ 1%
ტოპოლოგია	ორმაგი გარდაქმნის, პარალელური მუშაობის შესაძლებლობით
გადატვირთვის უნარიანობა	მინიმუმ 10 წუთი 125% მინიმუმ 60წამი 150%
მწარმოებლის გარანტია	მინიმუმ 1წელი

მოწოდებული ძალოვანი მოდულების ინსტალაცია უნდა განხორციელდეს მომწოდებლის მიერ უწყვეტი კვების წყაროს მწარმოებლის მიერ დადგენილი პროცედურების და რეკომენდაციების მკაცრი დაცვით, ისე რომ

ამ ცვლილების განხორციელებისას შემსყიდველის მონაცემთა ცენტრს არ უნდა შეუწყდეს ელექტრო ენერგიის მიწოდება.

2. არსებულ უწყვეტ კვების სისტემაში უნდა განხორციელდეს აკუმლატორული ბატარეის მოდულების დამატება, რომლებიც აბსოლუტურად თავსებადი იქნება არსებულ უწყვეტ კვების სისტემასთან და ნებადართული იყოს უწყვეტი კვების სისტემის მწარმოებლის მიერ. ცხრილში მოცემულია აკუმლატორული ბატარეის ტექნიკური პარამეტრები, რომელთაც უნდა აკმაყოფილებდეს მოწოდებული პროდუქტი:

აკუმლატორული ბატარეის მოდული - 4 ერთეული	
აკუმლატორების ტიპი	
აკუმლატორული ბატარეის მოდულის კონფიგურაცია	დახურული კარტიდჯი, უწყვეტ კვების სისტემაში ჩაყენებადი
აკუმლატორის რესურსი	მინიმუმ 3-5 წელი
წონა	მინიმუმ 90კგ
აკუმლატორების რაოდენობა ერთ მოდულში	32 ცალი
აკუმლატორების ტევადობა	მინიმუმ 7 ა/სთ
მწარმოებლის გარანტია	მინიმუმ 1 წელი

მოწოდებული აკუმლატორული ბატარეის ინსტალაცია უნდა განხორციელდეს მომწოდებლის მიერ, უწყვეტი კვების წყაროს მწარმოებლის მიერ დადგენილი პროცედურების და რეკომენდაციების მკაცრი დაცვით, ისე რომ ამ ცვლილების განხორციელებისას შემსყიდველის მონაცემთა ცენტრს არ უნდა შეუწყდეს ელექტრო ენერგიის მიწოდება.

3. ჯამური სიმძლავრის გაზრდის მიზნით ასევე მოწოდებულ უნდა იქნას 1 ცალი უწყვეტი კვების სისტემა, თითოეულის ძირითადი პარამეტრები უნდა აკმაყოფილებდეს შემდეგ ცხრილში მოყვანილ პარამეტრებიდან თითოეულს და ყველას ერთად:

უწყვეტი კვების სისტემა - 1 ერთეული	
ტექნოლოგია	3 ფაზა, ორმაგი გარდაქმნის, მოდულური არქიტექტურა N+1 ზიდა რეზერვირებით
აკუმლატორების ტიპი და კონფიგურაცია	დახურული კარტიდჯი(მოდული), უწყვეტ კვების სისტემაში ჩაყენებული (ჰერმეტიკული ტყვია მჟავა, დამცავი სარქველებით)
უწყვეტი კვების ძალოვანი მოდულის სიმძლავრე	16კვა
შემავალი ძაბვის დიაპაზონი	340...477ვოლტი
შემავალი ძაბვის სიხშირის დიაპაზონი	40-70 ჰც
მაქსიმალური შემავალი დენი	მინიმუმ 190 ა.
მინიმალური გამომავალი სიმძლავრე რეზერვირების გარეშე	96კვტ / 96კვა

უწყვეტი კვების ძალოვანი მოდულების რაოდენობა	7ცალი
გამომავალი დენის სიმძლავრის კოეფიციენტი მინიმუმ(cos f)	1
ნომინალური გამომავალი ძაბვა	230ვ, 400ვ 3ფაზა
ეფექტურობა სრული დატვირთვის დროს	მინიმუმ 95%
ეფექტურობა ნახევარი დატვირთვის დროს	მინიმუმ 95%
გამომავალი ძაბვის ფორმის (სინუსოიდის) დამახინჯება	მასიმუმ 2%
გამომავალი ძაბვის არასტაბილურობა	სტატიკური დატვირთვა – მაქსიმუმ 1% დინამიური დატვირთვა 0%→100% – მაქსიმუმ 5%
გადატვირთვის უნარიანობა (ორმაგი გარდაქმნის რეჟიმზე)	მინიმუმ 10 წუთი 125% მინიმუმ 60წამი 150%
შემოვლითი წრედი (Bypass)	ჩაშენებული ავტომატური შემოვლითი წრედი (Internall ByPass)
აკუმლატორული ბატარეის ნომინალური ძაბვა	192ვ (+10% -10%)
ავტონომიური მუშაობის ხანგრძლივობა (მინიმუმ)	20კვტ დატვირთვაზე – 50წთ 40კვტ დატვირთვაზე – 21წთ 60კვტ დატვირთვაზე – 12წთ 90კვტ დატვირთვაზე – 6წთ
აკუმლატორების დატენვის ხანგრძლივობა	მაქსიმუმ 4საათი
დამატებითი მოთხოვნები აკუმლატორული ბატარეის მიმართ	შესაძლებელი უნდა იყოს აკუმლატორული ბატარეის შეცვლა უწყვეტი კვების სისტემის ე.წ. ონლაინ რეჟიმის გათიშვის გარეშე
საკომუნიკაციო ინტერფეისები	Ethernet შემდეგი პროტოკოლების მხარდაჭერა: HTTP, SNMP, SMTP USB და RS232 DB9 პორტები გაფართოებული მოშორებული მართვის და მოვლენათა ჯურნალის ფუნქცია
მომხმარებლის ინტერფეისი	თხევად კრისტალური სიმბოლური დისპლეი მართვის ღილაკებით
კვების ავარიული გათიშვის შესასვლელი კონტაქტები	უნდა გააჩდეს
ზომები	დაკავებული ფართი არაუმეტეს 1,3მ² მაქსიმალური სიგანე – 1.5მ მაქსიმალური სიღრმე – 1.3მ მაქსიმალური სიმაღლე – 2მ
სითბოგამოყოფა მაქსიმალურ დატვირთვაზე	მაქსიმუმ 18000 BTU საათში
გაგრილების ტოპოლოგია	ცივი ჰაერის კარადების წინა კარებთან მიწოდება და ცხელი ჰაერის უკანა

	კარიდან გატანა
ხმაურის დონე	მაქსიმუმ 65 დეციბელი (აუდიო)
უნდა შეესაბამებოდეს შემდეგი სტანდარტების მოთხოვნებს	CE, EN 50091-1, EN/IEC 62040-1-1, EN/IEC 62040-3, Стандарт Eurobat General Purpose, FCC Part 15 Class A, ISO 14001, ISO 9001, VFI-SS-111
მწარმოებლის გარანტია	მინიმუმ 1 წელი

- მიმწოდებელმა უნდა უზრუნველყოს ტექნიკური დავალებით გათვალისწინებული მოწყობილობის ინსტალაცია და პირველი გაშვება მწარმოებლის მიერ სერთიფიცირებული ინჟინრის მიერ.

2.5. საქონლის მიწოდების და მონტაჟის სავალდებულო ვადები და ადგილი:

2.5.1. საქონლის მიწოდება და ინსტალაცია უნდა განხორციელდეს ხელშეკრულების ძალაში შესვლიდან 90 (ოთხმოცდაათი) კალენდარული დღის განმავლობაში.

2.5.2. შესყიდვის ობიექტის მიწოდების ადგილია: ქ. თბილისი. წმ. ნიკოლოზის /ნ. ჩხეიძის ქ. №2

2.6. საგარანტიო ვადები და პირობები:

2.6.1. საქონელზე მწარმოებლის საგარანტიო ვადა უნდა ვრცელდებოდეს მიღება-ჩაბარების აქტის გაფორმებიდან მინიმუმ 1 (ერთი) წლის განმავლობაში, ტექნიკური დავალების შესაბამისად. საგარანტიო პერიოდის მანძილზე 24სთ x 7 მწარმოებლის სატელეფონო ცხელ ხაზზე და მწარმოებლის პორტალზე ინციდენტების (კეისების) რეგისტრირების საშუალებით.

2.7. პრეტენდენტის მიერ სისტემაში ასატივრთი მონაცემები:

2.7.1. პრეტენდენტის რეკვიზიტები დანართი №1- ის შესაბამისად.

2.7.2. მისაწოდებელი საქონლის ფასების ცხრილი დანართი №2 - ის შესაბამისად.

2.7.3. მისაწოდებელი საქონლის ტექნიკური და ხარისხობრივი მონაცემების სრული აღწერილობა.

2.7.4. ინფორმაცია საგარანტიო ვადებისა და პირობების შესახებ.

2.7.5. ინფორმაცია ანგარიშსწორების პირობების შესახებ.

2.7.6. ინფორმაცია უკანასკნელი 3 (სამი) წლის განმავლობაში საქართველოში განხორციელებული მინიმუმ 2 (ორი) ანალოგიური პროექტის (იმავე მწარმოებლის ანალოგიური პროდუქტების/ტექნოლოგიების გამოყენებით) შესახებ, რომელშიც მითითებული უნდა იყოს დამკვეთი ორგანიზაცია (რეკვიზიტები - საკონტაქტო ინფორმაციით), შესყიდვის ობიექტი, ღირებულება, განხორციელების პერიოდი. უნდა წარმოადგინოს ასევე შესაბამისი ხელშეკრულების ასლი ან ელექტრონული ტენდერის ნომერი.

2.7.7. მწარმოებლის ავტორიზაციის ფორმა (ე.წ. MAF –Manufacturer Authorization Form ან PAF – Producer’s Authorization Form)

2.7.8. პრეტენდენტმა უნდა წარმოადგინოს ინფორმაცია რომლითაც დადასტურდება რომ შემოთავაზებული ტექნიკის მწარმოებელს აქვს საქართველოში მინიმუმ ორი ავტორიზებული სერვის ცენტრი, სადაც შესაძლებელი იქნება შემოთავაზებული ტექნიკისთვის საგარანტიო მომსახურების გაწევა ტექნიკის მწარმოებლის მიერ სერთიფიცირებული სპეციალისტების მიერ. ასევე უნდა წარმოადგინოს ინფორმაცია ასეთი კომპანიისა (კომპანიის დასახელების და მისამართის მითითებით) და სპეციალისტების (მწარმოებლის მიერ გაცემული სერთიფიკატის ასლი) შესახებ.

შენიშვნა: ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

--- 2014 წ.

საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი თავმჯდომარის მოადგილის ალექსანდრე თევდორაძის სახით და ----- შემდგომში წოდებული „მიმწოდებლად“, წარმოდგენილი ----- სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშვნები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების საგანია სასერვერო აპარატურის (უწყვეტი კვების სისტემის) მოდერნიზაცია. (CPV-48820000).

2.2 საქონლის დასახელება, რაოდენობა და ტექნიკური მახასიათებლები მოცემულია მიმწოდებლის მიერ წარმოდგენილ ფასთა ცხრილში (დანართი №1).

3. ხელშეკრულების ღირებულება

3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №1) შესაბამისად და შეადგენს ----- (-----) ლარს.

3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ს ჩათვლით.

4. მხარეთა ვალდებულებები

4.1. მიმწოდებელი ვალდებულია:

- ა) განახორციელოს საქონლის მიწოდება და ინსტალაცია ხელშეკრულების ძალაში შესვლიდან 90 (ოთხმოცდაათი) კალენდარული დღის განმავლობაში. შემდეგ მისამართზე: ქ. თბილისი, წმ. ნიკოლოზის/ნ. ჩხეიძის ქ. №2.
- ბ) წარუდგინოს შემსყიდველს შემსყიდველს ხელშეკრულების ღირებულების 80% -ის ოდენობის საბანკო გარანტია ხელშეკრულების გაფორმებიდან 3 სამუშაო დღის ვადაში. თეთრ სიაში რეგისტრირებული მიმწოდებლის შემთხვევაში საავანსო საბანკო გარანტიის ოდენობა უნდა შეადგენდეს წინაწარ გადასახდელი თანხის ნახევარს.
- გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ მოახდინოს რეაგირება და უზრუნველყოს აღმოჩენილი ხარვეზების გამოსწორება.
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ინსპექტირების განხორციელება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

5.1 წინამდებარე ხელშეკრულების საფუძველზე შესყიდულ საქონელზე ვრცელდება მწარმოებლის გარანტია მიღება ჩაბარების აქტის გაფორმების დღიდან არანაკლებ 1 (ერთი) წლის განმავლობაში, ტექნიკური დავალების შესაბამისად. საგარანტიო პერიოდის მანძილზე 24სთ x 7 მწარმოებლის სატელეფონო ცხელ ხაზზე და მწარმოებლის პორტალზე ინციდენტების (კეისების) რეგისტრირების საშუალებით.

5.2 საგარანტიო პერიოდის განმავლობაში შესყიდული პროდუქციის ექსპლუატაციისას, ექსპლუატაციის ნორმების დაცვის პირობებში, დეფექტების გამოვლენის შემთხვევაში, მიმწოდებელი ვალდებულია, შეტყობინების მიღებიდან 10 (ათი) კალენდარულ დღეში განახორციელოს წუნდებული საქონლის ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯების გაწევის გარეშე.

5.3 მიმწოდებლის მიერ 5.2 პუნქტში მითითებული ვალდებულების შეუსრულებლობის შემთხვევაში შემსყიდველს უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების ანაზღაურება.

6. ინსპექტირება

6.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2 ინსპექტირებას განახორციელებენ ინფორმაციული ტექნოლოგიების დეპარტამენტის თანამშრომელი/თანამშრომლები.

6.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

7. ხელშეკრულების შესრულებისა და საავანსო გარანტიები

7.1 ხელშეკრულების გაფორმებისას მიმწოდებელმა უნდა წარმოადგინოს ხელშეკრულების შესრულების უზრუნველყოფის საბანკო გარანტია ხელშეკრულების საერთო ღირებულების 3% -ის ოდენობით, ხოლო თეთრ სიაში რეგისტრირებული მიმწოდებლის შემთხვევაში ხელშეკრულების ღირებულების 1.5%-ის ოდენობით.

7.2 მიმწოდებლის მიერ წარმოდგენილი ხელშეკრულების შესრულების უზრუნველყოფის საბანკო გარანტია არანაკლებ 30 დღით უნდა აღმატებოდეს შესყიდვის ობიექტის მიწოდების ვადას.

7.3 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით

გათვალისწინებული ვადების დარღვევა, ვალდებულებების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველი უფლებამოსილია ხელშეკრულების შესრულების უზრუნველყოფის საბანკო გარანტიის მოქმედების პერიოდში მიმართოს გარანტიის გამცემ ორგანოს(გარანტს) და მოითხოვოს ხელშეკრულების შესრულების საბანკო გარანტიით გათვალისწინებული თანხა.

7.4 შემსყიდველი ორგანიზაცია მიმწოდებლის მიერ ხელშეკრულებით ნაკისრი ვალდებულებების სრულად შესრულების და მიღება-ჩაბარების აქტის გაფორმების შემდეგ მიმწოდებლის წერილობითი მოთხოვნის საფუძველზე უზრუნველყოფს ხელშეკრულების შესრულების საბანკო გარანტიის დაბრუნებას.

7.5 მიმწოდებლის მიერ წარმოდგენილი ხელშეკრულების ღირებულების 80%-ის ოდენობის საავანსო საბანკო გარანტიის მოქმედების ვადა უნდა აღემატებოდეს ხელშეკრულების 4.1 პუნქტის „ა“ ქვეპუნქტით განსაზღვრული შესყიდვის ობიექტის მიწოდების ვადას არანაკლებ 30 (ოცდაათი) დღით.

7.6 მიმწოდებლის მიერ წარმოდგენილი ხელშეკრულების ღირებულების 80%-ის ოდენობის საავანსო საბანკო გარანტია, შემსყიდველის მიერ შეიძლება გამოყენებულ იქნეს იმ შემთხვევაში, თუ მიმწოდებელი ვერ უზრუნველყოფს საავანსო საბანკო გარანტიის იდენტური ღირებულების ვალდებულების მოწოდებას, საავანსო საბანკო გარანტიის მოქმედების ვადის გასვლამდე.

7.7 იმ შემთხვევაში თუ მიმწოდებელი უზრუნველყოფს ხელშეკრულების ნაკისრი ვალდებულების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ვალდებულია მიმწოდებლის წერილობითი მოთხოვნის საფუძველზე უზრუნველყოს გარანტიის დაბრუნება.

8. საქონლის მიღება-ჩაბარების წესი

საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება საქონლის მიწოდების შემდეგ წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

9. ანგარიშსწორება

9.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: საჯარო რეესტრის ეროვნული სააგენტოს საკუთარი შემოსავლები.

9.2 ანგარიშსწორება იწარმოებს წინასწარი გადახდის მექანიზმის გამოყენებით, მთლიანი სახელშეკრულებო ღირებულების 80%-ის ოდენობით. მიმწოდებელი ვალდებულია წარმოუდგინოს შემსყიდველ ორგანიზაციას წინასწარ გადასახდელი თანხის იდენტური ოდენობის საბანკო გარანტია ხელშეკრულების გაფორმებიდან 3 სამუშაო დღის ვადაში. საბანკო გარანტიის მოქმედების ვადა 30 დღით უნდა აღემატებოდეს შესყიდვის ობიექტის მიწოდების ვადას. თეთრ სიაში რეგისტრირებული მიმწოდებლის შემთხვევაში, მიმწოდებლის მიერ წარსადგენი საავანსო საბანკო გარანტიის ოდენობა უნდა შეადგენდეს წინასწარ გადასახდელი თანხის ნახევარს.

9.3 მიმწოდებელთან წინასწარი ანგარიშსწორება იწარმოებს წინასწარ გადასახდელი თანხის იდენტური ოდენობის საბანკო გარანტიის წარმოდგენიდან 3 სამუშაო დღის ვადაში.

9.4 ხელშეკრულების ღირებულების დარჩენილი 20%-ის ანგარიშსწორება იწარმოებს შესყიდვის ობიექტის სრულად მიწოდების შემდეგ, მიმწოდებლის მიერ შესაბამისი საგადასახადო ანგარიშ-ფაქტურის (კანონმდებლობით გათვალისწინებულ შემთხვევაში) გამოწერისა და შესაბამისი მიღება-ჩაბარების აქტის გაფორმების შემდეგ 15 სამუშაო დღის განმავლობაში.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ

დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

11. ხელშეკრულების პირობების შეუსრულებლობა

11.1წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული საქონლის მიწოდების ვადების გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

11.2წინამდებარე ხელშეკრულების 5.2 პუნქტით განსაზღვრული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე წუნდებული საქონლის ღირებულების 0.3%-ის ოდენობით.

11.3წინამდებარე ხელშეკრულების 9.3 და 9.4 პუნქტებით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

11.4იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

11.5პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. დავების გადაწყვეტა

13.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

13.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

14. ხელშეკრულების შეწყვეტა

14.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერის დღიდან და მოქმედებს -
----- ჩათვლით.

16. ფორს-მაჟორი

16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

16.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

შემსყიდველი:

საჯარო რეესტრის ეროვნული სააგენტო,

წარმოდგენილი თავმჯდომარის მოადგილის

ალექსანდრე თევდორაძის სახით,

მისამართი: ქ. თბილისი, წმინდა ნიკოლოზის/ნ. ჩხეიძის ქ. №2

საბანკო რეკვიზიტები: ანგ. №GE46BG000000113686601,

სს „საქართველოს ბანკი“, კოდი: BAGAGE22,

სკ - 202238621

მიმწოდებელი:

წარმოდგენილი ----- სახით,

მისამართი: -----

საბანკო რეკვიზიტები: ანგ. №-----,

სს -----“ კოდი: -----,

სკ -----

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი,

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

პრეტენდენტის დასახელება _____

№	დასახელება	ტექნიკური მახასიათებლები / მოდელი	რაოდენობა	მწარმოებელი ქვეყანა და კომპანია	ერთეულის ღირებულება	საერთო ღირებულება	მიწოდების ვადა და ადგილი
1	ძალოვანი მოდული		6				მიწოდების ვადა ხელშეკრულების გაფორმებიდან 90 კალენდარული დღის განმავლობაში მიწოდების ადგილი ქ. თბილისი, წმ. ნიკოლოზის/ნ.ჩხეიძის ქ. #2
2	აკუმლატორული ბატარეა		4				
3	უწყვეტი კვების სისტემა		1				
4	ინსტალაცია						
	ჯამი:						

უფლებამოსილი პირი (თანამდებობა / სახელი, გვარი) _____

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;

• შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადებისგან საჯაროების მომენტამდე.



გავცეანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

ხელშეკრულების შესრულების საგარანტიო უზრუნველყოფა
(საბანკო გარანტია)

ვის: _____
(შემსყიდველის დასახელება)

მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.
ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.
წინამდებარე გარანტია ძალაშია _____

გარანტების ხელმოწერა და ბეჭედი

(თარიღი)

(მისამართი)